

# WARTA DELIMA

بِسْمِ اللَّهِ الرَّحْمَنِ الرَّحِيمِ  
بِسْمِ اللَّهِ الرَّحْمَنِ الرَّحِيمِ

SEKOLAH MENENGAH KEBANGSAAN BATU 5  
JALAN JENIANG, 08300 GURUN, KEDAH DARUL AMAN  
TEL: 04-4680018 FAKS : 04-4680549  
Email : smkbtlima.ppdkmy@gmail.com

\*Untuk Edaran Dalam Sahaja

Bil. 2/2013

FEBRUARI

## Majlis Sambutan Maulidur Rasul Peringkat Sekolah

Oleh Nurzafirah Zamri (5 Sains)



USTAZ AHMAD HUSAM menyampaikan ceramah  
Maulidur Rasul.

SMK Batu 5 – Majlis Sambutan Maulidur Rasul telah dijalankan dengan jayanya pada 23 Januari yang lalu bertempat di Dewan Seri Delima.

Objektif Majlis Sambutan Maulidur Rasul ini diadakan adalah untuk mengembalikan ingatan terhadap nabi Muhammad s.a.w dan menambahkan rasa kecintaan kepada Rasulullah. Selain itu, majlis ini juga bertujuan untuk mengenang, menghargai serta mengambil iktibar kisah perjuangan baginda dan menghayati cara hidup Islam.

Majlis ini dimulakan dengan persembahan nasyid dan diikuti bacaan selawat beramai-ramai dengan dipimpin oleh Ustaz Md Yusoff Othman. Majlis ini diserikan lagi dengan acara kuiz tentang biodata Nabi Muhammad s.a.w.

Acara kemuncak majlis sambutan Maulidur Rasul ialah ceramah yang disampaikan oleh Ustaz Ahmad Husam Dato' Badarudin, Pengetua Ma'ahad Tahfiz Ar-Riyadah, Kodiang, Kedah.

## KRS Johan Pertandingan Kawad Kaki Statik

Oleh Intan Zyanie Azizan (5KJ)

SMK Batu 5 – Pasukan KRS telah muncul sebagai juara dalam pertandingan kawad kaki statik antara unit-unit beruniform anjuran Pasukan Pengakap SMK Batu 5 yang berlangsung pada 22 Januari lalu.

Unit-unit beruniform yang mengambil bahagian dalam pertandingan tersebut ialah Kadet Bomba dan Penyelamat, Kadet Polis, Kadet Pertahanan Awam, Puteri Islam, Pengakap dan KRS.

Menurut Penolong Kanan Kokurikulum SMK Batu 5, En. Mohamad Fauzi Othman, pertandingan kawad kaki ini ialah acara bulanan yang dirancang oleh Unit Kokurikulum sebagai usaha untuk memperkasakan badan-badan beruniform SMK Batu 5.

Selain pertandingan kawad kaki statik, pasukan pengakap telah menghantar 2 anggota untuk bertugas di pintu pagar sekolah setiap pagi sepanjang bulan Januari. Pasukan pengakap juga mengadakan persembahan kawad tongkat semasa perhimpunan rasmi pada 22 Januari lalu.

## Pertandingan Badminton 1M1S

Oleh Mohamad Hafizzudin Omar dan  
Mohd Mukmin Jamil (5K3)

SMK Batu 5 – Rumah Naza telah menjadi johan dalam Pertandingan Badminton 1M1S yang dianjurkan oleh Kelab Badminton SMK Batu 5 bermula dari 8 Januari hingga 16 Januari yang lalu.

Bagi acara Lelaki Bawah 15 Tahun, johan dimenangi oleh Mohammad Syakir Yahya (2A2) dari rumah Naza. Johan untuk acara beregu pula dimenangi oleh Mohd Rizal Affandi (1A3) dari rumah Petronas dan Al-lif Aiman Ahmad (2A5) dari rumah Perwaja.

Johan acara perseorangan kategori Lelaki Bawah 18 Tahun dimenangi oleh Mohd Hafizzi Hashim (4K2) dari rumah Petronas. Johan acara beregu kategori Lelaki Bawah 18 tahun dimenangi oleh Mohd Hafizzi Hashim (4K2) dari rumah Petronas dan Mohd Syfyz Rasmi (4K2) dari rumah Perwaja.

Bagi kategori Perempuan Bawah 15 tahun, Malathi a/p Manimaran (3A2) dari rumah Naza telah muncul sebagai johan. Johan acara beregu bagi kategori ini dimenangi oleh Siti Aishah Umairah Shahizan (3A4) dari rumah Petronas dan Nurul Jannah Mohd Rabi (3A4) dari rumah Naza.

Johan kategori Perempuan Bawah 18 tahun pula dimenangi oleh Noor Affira Idris (5KJ) dari rumah Naza. Bagi acara beregu, Noor Affira Idris (5KJ) dari rumah Naza dan Nurul Hayatul Iska (5 Sains) dari rumah Perwaja telah menjadi johan.

Menurut Ketua Guru Penasihat Kelab Badminton, En. Teoh Kean Weng, pertandingan ini mendapat sambutan yang sangat menggalakkan daripada pelajar, iaitu sebanyak 92 penyertaan untuk semua kategori.

## Pertandingan Badminton Guru Lelaki

Oleh **Malathi a/p Manimaran (3A2)**



**TUAN PENGETUA dan En. Zamri Abu Bakar** meraikan kejayaan mereka sebagai johan acara beregu.

SMK Batu 5 – Ustaz Yusof Othman dari rumah Modenas telah menjadi johan acara perseorangan setelah mengalahkan En. Mohamad Fauzi Yusof yang menggantikan tempat En. Zamri Salleh dari rumah Petronas dalam Pertandingan Badminton 1M1S, kategori guru lelaki yang diadakan pada 31 Januari yang lalu.

Bagi acara beregu, Tuan Pengetua SMK Batu 5, En. Abd Aziz Selaiman dan En. Zamri Abu Bakar telah membuktikan kehandalan mereka apabila berjaya menjadi johan.

Dalam perlawanan akhir tersebut, pasangan beregu, En. Ma'az Abd Ghani dan En. Dizam Abd Razak dari rumah Naza hanya mampu meraih naib johan.

Pertandingan badminton kategori guru lelaki ini ternyata mendapat sambutan yang menggalakkan kerana telah disertai oleh 10 orang guru dalam acara perseorangan dan 10 pasangan dalam acara beregu.

## Pasukan Bola Sepak SMK Batu 5 Boleh!

Oleh **Ko Chi Haw dan Tan Kah Wei (3A2)**

Kolej Vokasional Sungai Petani 1, 30 Januari – Pasukan bola sepak bawah 15 tahun dan bawah 18 tahun SMK Batu 5 berjaya membuktikan keunggulan mereka setelah memenangi perlawanan bola sepak MSSK(D) Kuala Muda/Yan menentang pasukan SMK Pengkalan Lebai Man.

Pasukan bawah 15 tahun menang 2-1 hasil tendangan kencang oleh Muhamad Aiman Suhairi (3A4) dan tendangan percuma oleh Abdul Muaz Rosli (2A5). Pasukan bawah 18 tahun pula menang 4-2. Muhammad Hazim Afiq Ishak (5KJ) dan Muhamad Zulhelimie Azman (4K1) masing-masing menjaringkan dua gol.

Dengan kemenangan ini, pasukan bola sepak SMK Batu 5 yang dipimpin oleh Cikgu Ahmad Sobri Hamzah dan Cikgu Md Sham Mohd Ariffin ini akan mara ke

pusingan selanjutnya. Perlawanan berikutnya ialah pertemuan dengan SMK Bandar, Sungai Petani pada pukul 3.30 petang, 7 Februari di padang SMK Batu 5. Para pelajar dialu-alukan hadir untuk memberikan sokongan.

## SMK Batu 5 Sahut Seruan Program *My Beautiful Malaysia*

Oleh **Hidayatul Amira Kamis dan**

**Nur Dini Athirah Gazata (2A2)**



**PELAJAR TINGKATAN 2** bergotong-royong membersihkan persekitaran sekolah.

SMK Batu 5 – Program *My Beautiful Malaysia* telah dijalankan dengan jayanya pada 3 Februari lalu.

Program yang melibatkan semua pelajar tingkatan 2 ini bermula pada pukul 11.00 pagi dan berakhir pada pukul 12.10 tengah hari.

Antara aktiviti yang dijalankan ialah gotong-royong membersihkan tandas dan mencerikan pondok rehat yang terdapat di sekitar sekolah. Para pelajar tingkatan 2 berganding bahu menjalankan kerja-kerja sukarela tersebut.

Aktiviti ini dijalankan sempena pelancaran *My Beautiful Malaysia: Volunteerism Day* di bawah program *National Blue Ocean Strategy* yang dilancarkan serentak di seluruh negara oleh YAB Perdana Menteri Malaysia.

Menurut Penolong Kanan Hal Ehwal Murid, Pn. Sorianey A. Hamid, program ini bertujuan untuk menyemai semangat sukarela dalam kalangan pelajar dan memupuk semangat kerja secara berpasukan. Program ini juga dapat menggalakkan penyertaan pelajar untuk menjaga dan memelihara kawasan sekolah.

**Warta Delima** diterbitkan sebulan sekali. Para pelajar dialu-alukan menyumbang apa-apa berita yang berlaku di sekolah. Berita boleh ditulis dalam bahasa Melayu atau bahasa Inggeris. Hantarkan berita anda sama ada bertulis tangan atau e-melkan kepada Guru Cemerlang Bahasa Melayu, En. Zamri Salleh:  
[zamrisalleh.smkbt5@gmail.com](mailto:zamrisalleh.smkbt5@gmail.com)